

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU SLUŽBA ZA ZAPOŠLJAVANJE  
TUZLANSKOG KANTONA  
TUZLA**

Broj: 02-14-12-25-7/18  
Tuzla, 10.04.2018. godine

Na osnovu člana 70. stav (1), (2), (3) i (6) Zakona o javnim nabavkama ("Službeni glasnik BiH", broj: 39/14), člana 21. Statuta JU Službe za zapošljavanje Tuzlanskog kantona broj 01/1-1-45/2-17-1 od 26.09.2017. godine i preporuke Komisije za javne nabavke date u Zapisniku o pregledu i ocjeni ponuda broj: 02-14-12-25-5 od 10.04.2018. godine, direktor donosi

**O D L U K U**

o izboru najpovoljnijeg ponuđača  
(Nabavka usluga osiguranja zaposlenih – LOT 2)

**Član 1.**

Za najpovoljniju ponudu za nabavku usluga osiguranja zaposlenih – LOT 2, bira se ponuda ponuđača Triglav osiguranje d.d. sa cijenom u iznosu od 4.800,04 KM.

**Član 2.**

Po pravosnažnosti ove Odluke, Ugovorni organ će pozvati izabrane ponuđače radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**Član 3.**

Ova Odluka objavit će se na web stranici JU Služba za zapošljavanje Tuzlanskog kantona – [www.szztk.ba](http://www.szztk.ba), istovremeno s upućivanjem ponuđačima koji su učestvovali u postupku javne nabavke.

**O b r a z l o ž e n j e**

Na osnovu Odluke o pokretanju postupka broj: 02-14-12-25/18 od 21.03.2018. godine i Obavještenja o nabavci objavljenog na portalu javnih nabavki "E-nabavke" broj obavještenja: 647-7-2-14-3-8/18, objavljeno 21.03.2018. godine, putem konkurentskog zahtjeva za dostavu ponuda pokrenut je postupak javne nabavke "usluga osiguranja imovine, zaposlenih i automobila" podijeljen na tri LOT-a:

- LOT 1 – Osiguranje imovine
- LOT 2 – Osiguranje zaposlenih
- LOT 3 – Osiguranje automobila (kasko, autoodgovornost)

Kriterij za dodjelu Ugovora je najniža cijena ponude, u skladu sa članom 64. stav (1) tačka b) Zakona o javnim nabavkama.

Za predmetnu nabavku predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16).

Rok za dostavljanje ponuda bio je 02.04.2018. godine do 11:00 sati.

Javno otvaranje ponuda je održano 02.04.2018. godine u 11:30 sati u prostorijama JU Službe za zapošljavanje Tuzlanskog kantona.

Na osnovu Zapisnika sa otvaranja ponuda broj: 02-14-12-25-3/18 od 02.04.2018. godine, utvrđeno je da su za predmetnu javnu nabavku (Osiguranje zaposlenih - LOT 2) dostavljene tri (3) ponude, i to ponude ponuđača SARAJEVO OSIGURANJE d.d., ASA OSIGURANJE d.d. i TRIGLAV OSIGURANJE d.d.

Ponude su dostavljene blagovremeno.

Ponuđač Triglav osiguranje d.d., u svojoj ponudi dostavljenoj za LOT 2 ponudio je cijenu u iznosu od 4.800.00 KM. Nakon pregleda i ocjene ponuda Komisija je utvrdila računsku grešku, nakon čega je aktom broj 02-14-12-25-4/18 od 03.04.2018. godine tražena potvrda i saglasnost za ispravku iste. Dana 04.04.2018. godine ponuđač je prihvatio i dao saglasnost na ispravku računске greške utvrđene prilikom pregleda ponuda.

Nakon utvrđene i prihvaćene ispravke računске greške, ponuda ponuđača je za 0,04 KM viša u odnosu na procjenjenu vrijednost Ugovornog organa, za LOT 2 – usluge zaposlenih. S obzirom da je Ugovorni organ u mogućnosti izvršiti preraspodjelu sredstva za realizaciju ovog ugovora, ponuda ponuđača, dostavljena za LOT 2 se prihvata.

Dana 10.04.2018. godine sačinjen je Zapisnik o pregledu i ocjeni ponuda broj: 02-14-12-25-5/18, koji sadrži sve elemente i obrazloženja u vezi pregleda i ocjene ponuda dostavljenih za predmet nabavke.

Shodno odredbama Zakona o javnim nabavkama, podzakonskim aktima i općim aktima Službe, kriterijum za vrednovanje ponuda "najniža cijena ponude", donosi se Odluka o izboru najpovoljnijeg ponuđača, kojom se Ugovor/polisa za LOT 2 – osiguranje zaposlenih dodjeljuje ponuđaču Triglav osiguranje d.d. sa cijenom u iznosu 4.800,04 KM.

Iz navedenih razloga, primjenom člana 64. stav (1) tačka b), člana 70. stav (1), (2), (3) i (6) i člana 89. stav (1) Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) Zakona o javnim nabavkama ("Službeni glasnik BiH", broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

#### **DOSTAVLJENO:**

1. Ponuđačima
2. Odjeljenje za analitičko-planske i ekonomske poslove
3. Odjeljenje za opće i pravne poslove
4. a/a

**DIREKTOR**

Senad Muhamedbegović, dipl. pravnik